

Sanhgyangh: Mbanj Dungcuz Ngeihnyied Co' ngeih Sing Go Langh

三江：侗乡二月二歌声满天扬

3 nyied 2 hauh, Daih 126 Gaiq Meizlinz Yangh Ciet “Ngeihnyied Co' ngeih” Golaux Dungcuz youq Sanhgyangh Dungcuz Swciyen Meizlinz Yangh haimuq, gyoengq beixnuengx Dungcuz、Myauzcuz、Yauzcuz、Bouxgun youq ngoenzneix daenj buhmoq vaqmoq, doxcomz youq henz Dahyungzgyangh, guh gak cungj gak yiengh hozdung, angqhoh ngoenzciet neix, maqmuengh bi moq fwnraemx ndei. Ciet Meizlinz “ngeihnyied co' ngeih” Golaux Dungcuz dwg aen ciet conzdungj Dungcuz ndeu, gaenq miz 278 bi lizsij, 2007 nienz ndaej lied haeuj daengx guek buek daih'it feihvuzciz vwnzva yizcanj mingzloeg, 2009 nienz ndaej lied haeuj seiqgyaiq feihvuzciz vwnzva yizcanj mingzloeg. Bineix cietgolaux hai song ngoenz, miz cien vunz vad saz, cien vunz ciengq golaux Dungcuz、ciengj bauqva、ram bouxhak、boq venz daengj hozdung,yinx fanh lai bouxyouz daeuj yawj.

(Gungh Bujgangh Vuz Lenyinh/龚普康 吴练勋)



▲ Mbwsai Dungcuz ciengq golaux Dungcuz.



▲ Gyoengqvunz gwn laeuj-bakranz, nauhyied dangqmaz.



► Lwgnyez Dungcuz angq boq venz.

Cauhbingz:

Boih Saw Ginghdenj Gyaiez Vahcoj

昭平：诵经典 爱母语

Cauhbingz Yen Cauhbingz Cin Sang'an Siujyoz youq haggeiz neix haihag ngoenz daih'it, ndaw hagdangz rwenz daeuj sing doeg saw goksagsag, gyoengq hagseng cingq doeg saw 《Diswj Gveih》. Ngoenz haenx, hagdangz guh boih saw ginghdenj、gangj gojgaeq gyaiez guek hozdung, yauhgiuz moix boux hagseng aeu boih saw ginghdenj, aeu neix daeuj biujdap aensim gyaiez Sawgun, gyaiez vahcoj swheij.

(Liuz Feih/刘飞)



▲ Gyoengq hagseng haeysim dwk doeg saw.

◀ Lauxsae son hagseng doeg saw.

Denzyangz: Langhsing Eu Fwen Angq Lailai

田阳：唱山歌娱乐乐开怀



▲ Gyoengq mehmwk youq gyaiejmbanj eu fwen.

Mbouj dwg guh doxdax, hix mbouj dwg guh byaujyenj, youq mbanjranz Baeuqroxdoh Denzyangz Yen, gyoengq vunzmbanj miz hoengq couh doxcomz youq itheij eu fwen soeng sim guh'angq. Youq laj gofaex gyaiejmbanj, youq gwnzhaw, youq gwnz hawmih, cungj ndaej yawjraen daengz gyoengq boux maij eu fwen haenx doxcomz youq itheij eu fwen, miz saimbwk bouxcoz doiq eu, hix miz bouxlaux doiq eu. Gyoengqde eu fwenyoux, eu fwen danqhaenh saedcej ndei, bouboux langhsing eu, bouboux sim'angq dangqmaz.

(Vangz Gozsun/黄国顺)

Lungzswng: Ranzsaw Nungzgyah Baenz “Aencang Vwnzva” Gyoengq Yauzcuz Ginzcong

龙胜：农家书屋成为瑶家群众“文化粮仓”

Geij bi neix daeuj, Lungzswng Gak Cuz Swciyen gungh laebbaenz le 125 aen ranzsaw nungzgyah, ndaw ranzsaw cang rim gij saw swnghhoz、saw gohgi、saw cwngcwz fapld、saw vwnzyoz daengj, hawj daengx yienh miz 10 lai fanh ginzcong ndaej souh'ik, mbouj-dan daezsang le gij cihsiz suijbingz gyoengqde, hix ndaej fungfouq le vwnzva swnghhoz gyoengqde. Ranzsaw nungzgyah baenz le “aencang vwnzva” gyoengq nungz-minz.

(Veiz Gizyangz)

